

主編 湯重南

日本史籍善本合刊兩種

(第二十五册)

大日本史
日本野史

綫裝書局

日本史籍善本合刊兩種

大
日
本
史

(本卷四十二册)

第二十五册

卷二百七十六	志第三十三	氏族十	蕃別	一
卷二百七十七	志第三十四	氏族十一	蕃別	一一一
卷二百七十八	志第三十五	氏族十二	本系不明者	一八九
卷二百七十九	志第三十六	氏族十三	出自不詳者	二二三
卷二百八十	志第三十七	職官一	二八九
卷二百八十一	志第三十八	職官二	三五五

大日本史卷之二百

志第

權中納言從三位源光圀 修

七代孫權中納言從三位齊昭 補

八代孫權中納言從三位慶篤 校

氏族十

蕃別

漢土

山田氏、長野氏、三宅氏、大里氏、志我閉氏、俱

周主泄心太子晉之後也、

山田氏、有宿禰姓、有連姓、有造姓、有史姓、宿

禰貫于右京及河内、系出太子晉之後、魏司

空王昶、連貫于河内、造與宿禰同貫、竝系出

忠意、姓氏錄、史據續日本紀、○按本書、山田

宿禰一為太子晉之後、一為王昶之後、

似異其祖、據新唐書、王氏望出太原、太子晉

後也、王昶晉陽人、晉陽隸太原、則其系出自

晉者明矣、故今定為一姓、忠意蓋廢帝時、外
從五位下山田史銀賜連姓、同姓廣名造姓、
稱德帝時、右京人正七位下山田造吉繼賜

連、光仁帝時、外從五位下山田連、公足等三

十人賜宿禰續日本紀○公足、後仁明帝時、

左京人少外記山田造古嗣賜宿禰續日本紀

又有山田御井宿禰、同族也、孝謙帝時、從七

位上山田史廣人、同姓從五位上比賣島女

等賜山田御井宿禰、比賣島尋有罪、貶為史

姓續日本紀

長野氏、連姓、貫于右京、出自忠意○按續日本紀、廢帝

時、有越前員外介長野連君足、是族也、然本
書先是孝謙帝時、外從五位下山田史君足、

賜姓廣野連、至光仁帝時、外從五位下山田
 連公足賜宿禰、君足即公足、蓋非別人、而其
 姓前後不同可
 疑、附待後考、

三宅氏、大里氏、皆史姓、竝貫于河內、系出自
 忠意、

志我閉氏、連姓、貫于右京及河內、山田宿禰

同祖、系出王安高、姓錄○一作王元正帝

時、有陰陽師志我閉連阿彌陀、光仁帝時、外

從五位下志我閉造東人改賜連、續日本紀

長岑氏、調氏、水海氏、民氏、白鳥氏、白原氏、伊

部氏皆周魯公伯禽之後也

長岑氏出自伯禽之後努理使主○努或仁

明帝時左京人從六位下民首氏主賜長岑

宿禰同時從五位下長岑宿禰高名為遣唐

判官姓續日本後紀努理使主據姓氏錄○按

後不言伯禽之後努理使主以應神朝歸化

蓋以其經住百濟故謂百濟人也姓氏錄此

類頗多故今併其族後歷諸國守有政績稱

為良吏實錄醍醐帝時有對馬通事長岑望

除目大 一條帝時長岑忠義有罪流于佐渡

日本紀略扶桑略記小右記

調氏有連姓有首姓貫于左京有曰佐姓貫

于河内竝系出努理使主努理使主以應神

帝時歸化其孫阿久太生三子彌和賀夜麻

利顯宗帝時彌和賀織以獻純絹因賜姓調

首姓氏又有吉士或同出也欽明帝時調吉

士伊企儼在新羅死節日本書紀天武帝時有調

首淡海後為連姓日本書紀連據續日本紀按賜連姓年月史闕

聖武帝時有大炊允調連牛養東大寺正倉院文書嵯

峨帝時有近江愛智郡人調首富麻呂弘仁九年

券近衛帝時有雜掌調成安康治大嘗會記或是族

也、

水海氏連姓貫于河內出自努理使主姓錄氏

稱德帝時命婦水海毗登清成等賜連續日本紀

民氏首姓貫于山城水海連同祖姓氏錄聖武

帝時有中宮少進河內民首安古麻呂東大寺正

倉院文書

白鳥氏、村主姓、民首同祖、續日本後紀 聖武帝時、

有管陶令史白鳥史老人、東大寺正倉院文書 或亦是

族也、

白原氏、出自白鳥氏、稱德帝時、右京人白鳥

村主馬人、及白鳥掠人廣等二十餘人、賜白

原連、續日本紀

伊部氏、造姓、貫于山城、出自努理使主、

松野氏、連姓、貫于右京、吳王夫差之後也、

淨村氏、○淨一作清 貫于左京、陳袁濤塗之後也、

錄姓氏 光仁帝時、玄蕃頭袁晉卿賜姓清村宿

禰、晉卿本唐人、天平中從遣唐使歸化、續日本紀

仁明帝時、有式部少錄清村是嶺、類聚符宣鈔

春科氏、淨村氏族也、桓武帝時、左京人正七

位下淨村宿禰源言、臣父袁常照寶字中奉

使入朝、幸沐恩渥、竟為皇民、臣不幸早孤、為

外祖父晉卿所養、依延曆十八年格、首露已

訖、伏請改姓名為春科宿禰道直、許之、日本後紀

秦氏、惟宗氏、朝原氏、時原氏、香登氏、高尾氏、

已智氏、山村氏、櫻田氏、三林氏、長岡氏、柰良氏、皆秦主嬴政之後也、

秦氏、出自秦主政三世孫孝武王、

史秦主名按

孝武子功滿、以仲哀八年來朝、上距始皇世、殆四百餘年、今言三世孫、實可疑也、三代實

錄、時原春風自言、出自始皇十一世孫功滿、秦永原亦言十二世、其言近是、然其他世數

尚、有可疑者、有宿禰姓、有忌寸姓、有連姓、連

今皆從原文、有公姓、有造姓、又有太秦公宿禰、秦大

書本紀藏造、秦井手忌寸、大藏造據日本書紀、井手續日本紀、秦長藏

連、秦原公、秦原公據葛野秦造、朴市秦造等

姓、葛野朴市、據日本書紀、孝武子功滿王、仲哀帝八年

來歸、其子弓月王、融通一作應神帝時、率百二

十餘縣人口歸化、獻諸珍寶、帝嘉之、賜大和

朝津間掖上地居之、生子真德王、普洞王、或

作浦東君雲師王、武良王、仁德帝時、分置秦民於

諸國、蠶織為貢、以充服御、帝嘉其絲綿柔軟

適體、詔賜普洞王姓波陀公、國語謂肌膚為

波陀、亦竟為秦字訓也、肌膚以下、參取古語拾遺、普洞子

酒、雄略帝時、奏曰、今秦民盡被劫略、見在者

十不存一、請遣使檢括鳩集、乃敕搜索得九十二部一萬八千六百餘人、皆屬之酒、酒乃率之、蠶桑織絹貢進、筐篋山積、帝大悅、特賜酒號曰禹都萬佐、卽盈積利益之義也、因役秦民營八丈大藏於宮側、納其貢物、始置大藏官員、以酒爲長官、秦氏一祖子孫各因居地行事、分爲數氏、錄姓氏欽明帝時、山城紀伊郡人秦大津父得寵、拜大藏官、因聚秦民七千餘戶編籍、以大津父爲伴造、皇極天智間、

有葛野秦造河勝、朴市秦造田來津最顯、天

武帝十一年、秦造改賜連、日本書紀宿禰貫于河

內、系出弓月、錄姓氏仁明帝時、左京人左大史

秦忌寸真仲賜宿禰、續日本後紀忌寸貫于左右

京、及山城、大和、攝津、河內、和泉諸國、所系不

一、有出自酒者、有出自弓月、四世孫大藏秦

公志勝、及五世孫丹照者、有出自功滿者、有

出自秦主十五世孫川秦公者、姓錄天武帝

十二年、秦連賜忌寸、持統帝時、大錦上秦造

綱手賜忌寸、日本書紀聖武帝時、右大史秦老同

族在京畿者一千二百餘家、皆賜忌寸、姓氏錄參

本紀取續日稱德帝時、大和人正八位下秦勝古

麻呂、攝津西成郡人、正六位上、秦人廣立、彈

正史生、秦長田三山、造宮長上、秦倉人、皆主

造、東大寺工手、秦姓綱麻呂等、皆賜忌寸、桓

武帝時、對馬島守穴咋、皆麻呂、以誤冒母姓、

改賜秦忌寸、日本書紀仁明帝時、山城葛野郡人

物集廣永等、賜秦忌寸、日本書紀同時有葛野